

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

cissimi ob oculos semper versantur. DOMINUS conserveat eum, & vos etiam Ecclesiae, Amen. Argentorato XVI. Calend. Jun. clō 16 LXXI.

Vester totus

Johannes Pappus.

LII.

Salutem in Christo.

Literas tuas postremas, Reverende & Clarissime Vir, Domine & frater charissime, clarissimus Vir, M. Florus, Studgardiae rediens mihi reddidit. Ex quibus intellexi, importunitatem M. Piscatoris vobis eam necessitatem imposuisse, ut meum responsum non potueris expectare. Quemadmodum igitur gratulor vobis pacem, ita vicissim mihi ex animo dolet, nobis messem in herba adolescentis periisse, quem sperabamus columem & praesidium Scholae & Ecclesiae vestrae futurum. Atque utinam adhuc nos accederet, si forte aliquid praestare, & juvenem errantem in viam revocare possemus. Sin aliter visum est DEO, cum illo pro justo suo judicio agere, & hoc ferendum erit. Caeterum literas tuas & Actionem cum ipso institutam civis Tubingensis mihi nondum exhibuit, nec ubi terrarum obambulet, scio. Fortassis brevi accepturus sum. Omnino autem oprarim, quantum fieri potest, ut omnem actionem declinetis a vobis. Nescio enim, quid mali mihi praesagiat animus, ne forte Respublica & Ecclesia vestra perturbetur, quod unice facere conatur Satan. Nosram certe operam semper paratam habebitis, quod velim vobis esse persuasissimum. Caetera Dn. M. Florus, qui praeter suam voluntatem diutius apud nos est detentus, vestrae Ecclesiae animo semper praesens, quem haec res etiam valde sollicitum reddidit, & de nostra voluntate testificari poterit. Bene & feliciter vale. Reverenter meo nomine Collegium vestrum quaelo salutare velis. Iterum vale. Raptim Tubingae, 19. Junii, 1571.

Tuus ex animo, ut semper, frater,

Jacobus Andreae, D.

LIII.

Shodie demum, Reverende & Clarissime Vir, Domine & frater charissime, reddita sunt mihi tuae literae, quibus adjuncta est descriptio Actionis cum